

Naalakkersuisut siulittaasuat

Landsstyreformanden

Inatsisartunut ilaasortaq Asii Chemnitz Narup
c/o Inatsisartut Allattoqarfia
Maani

25.02.2008
J.nr. 02.14

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Nammineq pisussutigalugu nappaatit pillugit Naalakkersuisunut apeqqutit

Inatsisartut suleriaasissaanni § 36, imm. 1 naapertorlugu ataani Naalakkersuisunut apeqqutigineqartut matumuuna akissuteqarfignissavakka. Apeqqutigineqartut ulloq 14. februar 2008-mi tiguneqarput.

Apeqqut:

1. Inuit nammineq pisussutigalugu nappaataat suuppat?
 - a) tupatortarnerup kingunerisaanik kræfteqalersarnerit, allamilluunniit pualluuteqarlernerit pineqarpat?
 - b) Aqqusinikkut biilini angalatilluni ajoqusernerit pineqarpat (soorlu niuminik napisoornerit, allatigulluunniit ajoquserujussuarnerit pineqarpat)?
 - c) Timersornertiluni ajoqusernerit pineqarpat (soorlu sisorartiluni napinerit, arsamik arsarluni ajoqusernerit pineqarpat)?
 - d) Ukiopassuarni imigassamik atornerluisuusimanertik pissutigalugu assigiinngitsunik nappaateqalersartut nappaataat pineqarpat?
 - e) Nappaatit atoqatigiinnikkut tunillaassuuttartut pineqarpat?

Akissut:

Aallaqqaasiullugu oqaatigissavara oqaatigisimasakkut siunertarigakku peqqinnissamut tunngatillugu ingerlatsinermi apeqqutit nukinginnarsisut innuttaasunut ataasiakkaanut inuiaqatigiinnullu tamarmiusunut tunngassuteqartut ilaasa tamanit oqallisigineqalernissaat.

Anguniagaraara paasineqalersissallugu ingerlaqqiinnarsinnaannginnatta inuiaqatigiit innuttaasut ajornartorsiutigilersagaannut annertunerusutigut aaqqiisartussatut utaqqiinnarlugit.

Ilisimaarineqarpoq inooriaatsimik pissuteqartumik nappaataalersartut inuiaqatigiinni nu-taaliaasuni ajornartorsiutaajartuinnarnerat. Inuit ataasiakkaat nammineq peqqissuunis-saminnut paasinnittannginnerput pissutaalluinnarpoq nappaatit inunnut ataasiakkaanut inuiaqatigiinnullumi artorsaatissanngortarnerannut.

Isumaqarpungattaaq assersuutigalugu naartuersittarnerpassuit inuusuttut akornanni namminermt akisussaassuseqannginnermik pissuteqartartut. Imaakkunarportaarmi nassuerutigisariaqartaratsigu inuuniarnermi pissutsit imaammata inuusuttut angajoq-qaanngornissaminnut akisussaassuseqalernissaminnut periarfissaasuasarlutik, tassa inuunerminni pilersaarutaariinngitsumik taamatut pisoqaraangat.

Anguniagaavoq akisussaassuseqarnerulersitsissasugut taamaalilluni inuttaasut tamatta ataasiakkaarluta nammineq peqqissuunissaminnut akisussaassuseqarnerulersillugit. Pisartullumi ilarpassuini imaattarpoq inuit qaniginerpaasagut akisussaassuseqarfignissarlu-

tigit. Tamakkunani assersuutigalugu imaassinnaavoq qaniginerpaasatta tupasunnimiu-
tinginnissaat, naartuersittarnerillu eqqaassagutsigit angutip aappaasup pissutsinut aki-
sussaqaataasarnissaa pineqarpoq.

Inuusuttut angajoqqaanngorniarlutik aalajangersimasut ullumikkut pingaarutilimmik su-
liassaqalersarput siunissami ukiorpassuarni pineqartunut inuttut aningaasaqarnikkullu
piumasaqaatitaqarfiusumik. Tamatuma akerlerilluinnarpaa inuusuttut ataasiarlutik arlale-
riarlutilluunniit naartuersinnissaminnik aalajangersimasut pissusiviusutigut inuiaqatigiin-
nullu nammakkersuutaasumik akisussaassutsiminnik qimarratiginnittarmata.

Nalunngilara oqallittarnerit taamaattut amerlaqisutigut misigissutsinik attuisarmata aaq-
qiissutissanillu pisariitsunik uagut tigorianaateqassanata.

Innuttaasulli kissaatigigaluttuinnarlugulu piumasarigaluttuinnarpaat inuiaqatigiit nappar-
simalersimasunut nutaanik akisusaqisunillu katsorsaanissamik neqerooruteqartarnissaat.
Allanngoriartorneq taamatut immat pisariaqartippara uagut naalakkersuinermik suliaqar-
tutut oqallisiginninnissamut aaqqiissutissanillu siunnersuuteqartarnissamut piareersima-
sariaqartugut inuiaqatigiit ikiorsiissutigisagaasa aaqqissuunneqarnerannut tunngatillugu
ileqqorinngisaannaraluakkatsinnik.

Inuit ataasiakkaat nammineq inuunerminnut peqqissuunissaminnullu akisussaassusermik
misigisimanissaat qanoq sunnersinnaanerlugu oqallinnq aaqqiissutissat sorliit eqqortuu-
nersut toqqarnissaannut immaqa imaaliinnarlugu akissutissarsiviunaviangilaq. Neriup-
pungali oqallinneq inooriaatsimik pissuteqartumik nappaatigineqalersartut assersuutiga-
lugulu naartuersittarnerit allanngortinnissaannut iluaqutaassasoq, inuimmi ataasiakkaat
nammineerlutik tamakkununga tunngasut qanoq iliuuseqarfigisinnaammatigit.

Inuit ataasiakkaat peqqinnissaqarfiup sullissinerinut assigiinngitsunut akiliuteqartaleneri-
sigut taamatut pisoqartariaqassanersoq misissortariaqarparput oqallisigalugulu sukumii-
sumik isummerfigilinnginnerani.

Matuma siuliini nappaatit sorliit nammineq pisuussutigisaanersut apeqqutigineqarpoq
nappaatillu aalajangersimasut assigiinngitsut apeqqutigineqarlutik. Isumaqarpungali toq-
qarlugit apeqqutit aalajangersimasut taamaattut akineqarsinnaanngitsut tassami pi-
ngaarnertut oqallisigineqaqqaartariaqarmat qanoq ililluta allanngoriartorneq tamanna
ilorraanut saatissinnaaneripput inuit ataasiakkaat nammineq peqqissutsiminnut akisus-
saanerat ilorraanut saatissinnaajumallugu.

Apeqqut:

1. Inuit nammineq pisuussutigalugu napparsimalersimasut katsorsartinnissaminnut
akiliisineqartalersinnaanissaannik isumaliutersuutit qanoq itisilersinnaavigit?

Akissut:

Apeqqutigineqartumut siullermut akissutigisakka innersuussutigissavakka.

Apeqqut:

2. Inuit namminneq akiliutissaat qanoq annertussusilerneqassappat, qanorlu naat-
sorsorneqassappat?

Akissut:

Soorlu apequtigineqartumut siullermut akissutigisanni allassimasoq pisariaqartippara pingaarnertut oqallisigineqaqqaartariaqarmat qanoq ililluta allanngoriartorneq tamanna ilorraanut saatissinnaaneripput inuit ataasiakkaat nammineq peqqissutsiminnut akissusaanerit ilorraanut saatissinnaajumallugu.

Taamaammat taamatut oqallittoqanngikkallartillugu apequtigineqartut akissuteqarfigineqarsinnaanngikkallarput taamatullu innuttaasunit paasineqareersinnagu aqqissuussinerit ilaat allanngortittariaqarigut.

Taamatut oqallittoqareerpat toqqaannarnerusunik siunnersuuteqartoqarsinnaalissaaq taamatutaaq aalajangersimasunik aalajangiinissamut tunngavissaqanngikkallartilluni naliliisarluni erseqqinnerusumik misissorneqarsinnaasunik.

Inussiarnersumik inuulluaqqusillunga

Hans Enoksen